

Illum semper habeas in mente, qui te egenum exaltavit et posuit super principes 797
populi sui rectorem. Te magis agnosce pastorem et dispensatorem donorum Dei quam Cf. Ps. 112, 8.
dominum vel exactorem^a.

Semper in mente habeas optimos nobilissimi antecessoris^b tui¹ mores, modestiam
5 in conversatione, et studium in corrigendo vitam populi christiani². Quidquid vero
ille in regno tibi a Deo dato bene disposuit, hoc tua diligentissime prosequatur devotio;
si quid vero avare vel crudeliter gessit, hoc omnino tibi cavere necessarium esse
agnosce.

Non enim sine causa nobilissimus filius³ illius tam parvo tempore vixit super
10 patrem. Saepe merita patris vindicantur in filios.

Habeas consiliarios prudentes⁴, Deum timentes, iustitiam amantes, pacem cum
amicis desiderantes, fidem et sanctitatem in conversatione pia ostendentes.

Gens enim Anglorum multis propter peccata fatigatur tribulationibus⁵. Quae
regum bonitate et sacerdotum Christi praedicatione et populi relegione erigenda est
15 ad antiqui culmen honoris; quatenus benedicta patrum nostrorum progenies perpetuam
mereatur possidere felicitatem, et praesentis regni stabilitatem et contra inimicos
fortitudinem, ut ecclesia Christi crescat et proficiat, sicut a sanctis patribus ordinata
erat. Sacerdotes Christi semper, clarissime^c rector, honorifice habeas; quia, quanto
plus Christi servos et verbi Dei praedicatores venerabiliter observas, tanto magis
20 Christus, rex verus et pius, tuum honorem exaltat et confirmat, sanctis suis inter-
cedentibus.

Summa eterni regis pietas vos longeva prosperitate regnare concedat, et perpetui
regni beatitudinem vobis tribuere dignetur, domine desiderantissime.

124.

*Alcvinus Higbaldum episcopum Lindisfarnensem multa admonet. Memorat de Ecg-
25 fridi regis Merciorum obitu inopinato. 797.*

Codd. H fol. 102—104', T fol. 116—117'.*

Edd. Q 108, F 56, J 81. — Migne col. 241.

SANCTISSIMO FRATRI ET FILIO CARISSIMO SPERATO⁶ EPISCOPO HUMILIS PATER
ALBINUS SALUTEM.

30 Valde me vestrae karitatis^b amor^c cotidie reficit et fidelitatis mentem meam
certitudo abundanter laetificat; ita ut inter^d primos parvitas meae amicos vestrae
bonitatis nomen et suavitatis facies menti meae radicitus infixum permanet. Et ob
hoc, quantum caritatis recordatio laetificat, tantum absentiae^e lacrimosa longinquitas
mestificat. Sed patienter ferendum est quod necessarie tolerandum esse dinoscitur.

35 ^a) exactorem corr. in exauctorem H. ^b) antecessores H. ^c) clarissimus H.

124. ^a) Lemma: Albinus ad Speratum episcopum T*, ubi in margine alia manu adnotatur:
Epistola utilis ad legendum episcopis de admonitione eorum. ^b) rec. manu corr. in carit. T*.

^c) amor om. H. ^d) inter scripsit J. pro in H, T*. ^e) absentia H, T*.

1) Offae regis Merciorum, die 26. Iulii 796. mortui. 2) Cf. supra ep. 122 p. 180 n. 1. 3) Ecg-
40 fridus rex Merciorum, mense Decembri 796. mortuus; v. supra p. 179 n. 4. 4) Cf. ep. 217: Consiliarios
habeto bonos, pios, prudentes, Deumque timentes etc. 5) Cf. supra p. 179: tempora tribulationis
sunt ubique in terra nostra. 6) Speratum hunc episcopum Britannicum fuisse ex ipsa epistola
facile apparet. Neque vero reperitur in illis episcopis, qui aut vulgo Speratus dictus sit aut cuius nomine
spes declaratur praeter Higbaldum episcopum Lindisfarnensem (780—803). Nam Higbaldus idem sonat
45 quod spe alacer. J. Hygbaldus episcopus occurrit etiam in libro confraternit. S. Petri Salisb., cf. Necrol.
Germ. II, 18.